

La leç 482/99 (Normis in materie di tutele des minorancis linguistichis storichis) e à ricognossût in forme uficiâl il furlan tant che lenghe minoritarie de Republiche taliane. In particulâr, l'articul 9 de leç al previôt il dirit dai citadins di doprâ la lenghe furlane, sedi in forme orâl che scrite, intai procediments de aministrazion publiche. I citadins a puedin duncje domandâ, tai Comuns delimitâts intal ambit di tutele de lenghe furlane su la fonde de normative in vore, di celebrâ il matrimoni in chê lenghe.

Celebrazion di Matrimoni



Sede municipâl

CELEBRAZION



DI MATRIMONI

Lui al è il Siôr _____

e jê la Siore _____

Daûr des disposizioni di leç, o lei i articui dal Codiç Civîl che a regòlin i dirits e i dovês che a nassin dal matrimoni.

◆ **ARTICUL 143**

Dirits e dovês mutuâi dai maridâts

Cul matrimoni, l'om e la femine a cjapin sù i stes dirits e i stes dovês. Dal matrimoni al ven l'oblic mutuâl de fedeltât, de assistance morâl e materiâl, de colaborazion pal ben de famee e de coabitazion. Ducj i doi a àn di contribuî, ognidun daûr des sôs sostancis e de sô capacitât di lavôr professionâl e in cjase, aes necessitâts de famee.

◆ **ARTICUL 144**

Orientament de vite familiâr e residence de famee

I maridâts a conuardin tra di lôr l'orientament de vite familiâr e a decidin la residence de famee daûr des esigjencis di ducj i doi e di chês plui impuartantis pe famee stesse. Ognidun dai maridâts al à il podê di meti in vore l'orientament conuardât.

◆ **ARTICUL 147**

Dovês a pro dai fîs

Il matrimoni ur impon a ducj i doi i maridâts l'oblic di mantignî, istruî, educâ e assisti sot dal aspjet morâl i fîs, tal rispjet des lôr capacitâts, inclinazions naturâls e aspirazions, daûr di ce che al previôt l'articul 315-bis.

Lui Siôr _____

vuelial cjoli tant che sô femine

la Siore _____

achì presinte?

E Jê Siore _____

vuelie cjoli tant che so om

il Siôr _____

achì presint?

Stant che ognidun di voaltris mi à rispuindût di sî, cu la plene compresion ancje dai testemonis presints,

Jo _____

Uficiâl dal Stât Civîl dal Comun di _____

intal non de leç o declari che

il Siôr _____

e la Siore _____

a son metûts dongje in matrimoni.